

憲示 第一百五十九號

輔政使司史

曉諭開投官地事茲奉

督憲札開定於西歷本年四月十五日即禮拜一日下午五點鐘開投官地一段以七十五年為管業之期等因奉此合亟出示曉諭為此特示

該地一段其形勢開列于左

此號係冊錄村落屋宇地段第七十四號坐落火藥局山坳該地四至北邊四百九十三尺南邊三百九十三尺東邊二百一十二尺西邊二百五十三尺共計九萬八千方尺每年地稅銀三百六十圓投價以九千八百圓為底

開投章程列左

- 一 投地之價由限底銀數加上以價高者得倘二三人或多人同價互相爭論則在各投價內擇一價為底再投
- 二 各人出價投地每次增價至少以十圓為額
- 三 投得該地之人自槌落之後即遵例簽名於合同之下由投得之日起限三日內須將全價在庫務使司署呈繳
- 四 投得該地之人由投得之日起限三日內須在田土廳繳銀十圓以備工務司飭匠用石塊刻好註明冊錄號數安立該地每角以指明四至等費
- 五 投得該地之人于印契時例應將公費銀十五圓呈繳田土廳
- 六 投得該地之人由開投之日起限以十二個月為期常用堅固材料美善之法建屋宇無論幾間以合居住並必須牢實可經久遠此等工程所用不得少過四千圓除建歐洲人所住屋宇式樣有傍舍外廊之外一概別款屋宇不准建造在該地內又必遵照工務司之法并用料建築暗渠使該屋及廚房傍舍等處所有餘水及污濁之水流入至近之

國家暗渠內若其地左右無

國家暗渠者所有餘水或污濁之水須使之流去工務司所准之處乃可

其所建暗渠物料須要潔淨事務司署准用方可其餘溝渠污物並餘

水及污濁之水不得經由四鄰之地流去無論該地屬

國家或民家者又不得將枯朽污穢糞料攪擾等件積貯該地上或於興

工時將掘出之泥積堆該地之上或官地之上以至其泥斜下為雨水

冲去其斜下之泥須用草皮鋪置妥貼若是緊要須用石墻實邊投得

該地之人須將所有捨棄之物每日一次由屋移置別處

七 投得該地之人須於西歷本年六月二十四日將其一年應納之稅銀

按月分納庫務司以後每年須分兩季清納即於西歷十二月二十五

日先納一半其餘一半限至西歷六月二十四日完納

八 投得該地之人俟將照工務司之主見所有一切事件均已按章辦妥

始准領該地紅契由投得之日起准其管業七十五年照上地段形勢

所定稅銀每年分兩季完納即於西歷六月廿四日先納一半其餘一

半限於西歷十二月廿五日完納并將香港村落屋宇地段紅契章程

均印於契內

九 投得該地之人倘有錯誤未遵章程即將其呈繳之地價銀一份或全

數入官或可勒令其遵章辦理或隨時隨處不論用何方法再將該地

開投倘再開投所得價值較前投之價若有贏餘全行入官如有短絀

及一切費用概令違背章程之人補足

十 投得該地之人由投得之日起將該地歸其管業

業主合同式

立合同人某某于某年某月某日投得某處地段應遵照上列投賣章

程即作為該地段業主領取紅契為憑

投賣號數

此號係冊錄村落屋宇地段第七十四號每年地稅銀三百六十圓

一千八百八十九年 四月

初六日示